

Na osnovu člana 64. stav 1. tačka a), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), Rješenja URŽ-a BiH, broj: JN2-03-07-1-1058-7/25 od 31.07.2025. godine, te na osnovu preporuke Komisije za nabavke, a nakon provedenog otvorenog postupka javne nabavke radova, Pomoćnik gradonačelnika za Službu za komunalne poslove izgradnju i poslove mjesnih zajednica, donosi:

ODLUKU **o izboru najpovoljnijeg ponuđača**

Član 1.

Ugovori za nabavku radova – **Nabavka radova na sanaciji vodovodne mreže na području grada Tuzle**, po LOT-ovima, dodjeljuje kako slijedi:

- za **LOT1 – Sanacija vodovodne mreže u Brgulama pored pruge (MZ Ljepunice); pored rezervoara Krojčica (MZ Kreka) i u naselju Dolovi (MZ Solina)**, ponuda ponuđača **JKP „VODOVOD I KANALIZACIJA“ d.o.o. Tuzla**, u ukupnoj vrijednosti od **40.390,75 KM bez PDV-a i uračunatim popustom, odnosno 47.257,18 KM sa PDV-om i uračunatim popustom.**
- za **LOT3 – Sanacija vodovodne mreže u visinskom dijelu naselja Badre, ulica Mirsada Fidahića (MZ Brčanska Malta)**, ponuda ponuđača **JKP „VODOVOD I KANALIZACIJA“ d.o.o. Tuzla**, u ukupnoj vrijednosti od **80.905,56 KM bez PDV-a i uračunatim popustom, odnosno 94.659,50 KM sa PDV-om i**
- za **LOT4 – Sanacija vodovodne mreže na groblju Drežnik; u naselju Momanovo (MZ Slavinovići); u naselju Palavrići (MZ Grabovica) i u naselju Panorama (MZ Ši Selo)**, ponuda ponuđača **JKP „VODOVOD I KANALIZACIJA“ d.o.o. Tuzla**, u ukupnoj vrijednosti od **211.615,41 KM bez PDV-a i uračunatim popustom, odnosno 247.590,03 KM sa PDV-om.**

Član 2.

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

Član 3.

Ova Odluka će se objaviti na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Obrazloženje

Ugovorni organ Grad Tuzla – Služba za komunalne poslove, izgradnju i poslove mjesnih zajednica provela je otvoreni postupak javne nabavke radova – Nabavka radova na sanaciji vodovodne mreže na području grada Tuzle (4 lota), za koji je objavljeno Obavještenje o nabavci broj: 1004-1-3-50-3-110/25 objavljeno na portalu javnih nabavki dana 30.04.2025. godine.

U postupku predmetne javne nabavke, Komisija za javne nabavke imenovana Rješenjem broj: 05/11-A-006125-2025 od 25.04.2025. godine je izvršila pregled i ocjenu ponuda primljenih ponuda o čemu je sastavljen Zapisnik o pregledu i ocjeni ponuda broj: 05/11-A-006125-2025 od 13.06.2025. godine kao i Izvještaj o postupku javne nabavke broj: 05/11-A-006125-2025 od 13.06.2025. godine.

Nakon provedenog postupka ugovorni organ je donio Odluku o izboru najpovoljnijeg ponuđača broj: 05/11-A-006125-2025 od 13.06.2025.godine. Nezadovoljan sadržajem navedene Odluke ponuđač JKP „VODOVOD I KANALIZACIJA“ d.o.o. Tuzla izjavio je žalbu, broj: 3944/25 od 23.06.2025. godine (zaprimljenu kod ugovornog organa dana 24.06.2025. godine).

Postupajući po žalbi ponuđača JKP „VODOVOD I KANALIZACIJA“ d.o.o. Tuzla, URŽ BiH Filijala Mostar je donio Rješenje broj: JN2-03-07-1-1058-7/25 od 31.07.2025. godine (u daljem tekstu: Rješenje URŽ) (zaprimljena kod ugovornog organa dana 04.08.2025. godine) i Zaključak o ispravci greške u Rješenju, broj: JN2-03-07-1-1058-11/25 od 20.08.2025. godine (zaprimljena kod ugovornog organa dana 27.08.2025. godine), kojim se u tački 1. dispozitiva, žalba usvaja, Odluka o izboru najpovoljnijeg ponuđača za LOT1, LOT3 i LOT4 poništava i predmet se vraća ugovornom organu na ponovni postupak.

Postupajući u skladu sa stavovima URŽ BiH, Filijala Mostar navednim u Rješenju URŽ-a, a u cilju donošenja Odluke o izboru najpovoljnijeg ponuđača (za LOT1, LOT3 i LOT4), u skladu sa Zakonom o javnim nabavkama, podzakonskim aktima i tenderskom dokumentacijom, Komisija za nabavke imenovana Rješenjem broj: 05/11-A-006125-2025 od 25.04.2025. godine, pristupila je ponovnom pregledu primljenih ponuda i ponuđaču „TERMOTEHNIKA“ d.d. Tuzla uputila Zahtjev za pojašnjenje Potvrda o uspješno realiziranim ugovorima, broj: 05/11-A-006125-2025 od 05.08.2025. godine (u prilogu), kojim je, u skladu sa članom 48. stav 5. ZJN BiH, a u cilju potpunog i pravilnog utvrđivanja činjeničnog stanja, pozvala ponuđača „TERMOTEHNIKA“ d.d. Tuzla da dostavi pismeno pojašnjenje dostavljene Potvrde o uspješnoj realizaciji ugovora izdate od strane Poliko“ d.o.o. Sarajevo i „Oxint“ d.o.o. Tuzla, ili da dostavi pojedinačne ugovore, a kako bi dokazali da se priložene potvrde odnose na realizaciju ugovora koji po složenosti i kompleksnosti odgovaraju zahtjevanom predmetu nabavke, odnosno da spadaju pod slične ugovore u smislu karaktera, kompleksnosti i prirode naspam onih koji se odnose na predloženi ugovor na održavanju i/ili sanaciji i/ili rekonstrukciji i/ili izgradnji vodovodnih mreža i pumpnih stanica. Ponuđač „TERMOTEHNIKA“ d.d. Tuzla je u ostavljenom roku dostavio traženo pojašnjenje u kome navodi da je iz dostavljenih potvrda o uspješnoj realizaciji ugovora, izdatih od strane „Poliko“ d.o.o. Sarajevo i „Oxint“ d.o.o. Tuzla, vidljivo da su realizovani ugovori apsolutno u skladu sa uslovima vezanih za tehničku i profesionalnu sposobnost ponuđača. Naime, kako ponuđač „TERMOTEHNIKA“ d.d. Tuzla navodi u svom pojašnjenju, potvrda „Poliko“ d.o.o. odnosi se na izvođenje radova na prethodnoj nabavci ugovorom definisanih materijala, pripremi terena, zemljanim iskopima (kanalskih rovova) na propisanoj i projektovanoj dubini, razastiranju drenažnog materijala, polaganju i spajanju vodovodnih cijevi, ispitivanju vodovodne mreže, zatrpavanju vodovodnih instalacija, te sanaciji terena, odnosno završni radovi. Nadalje, u pojašnjenju koje se odnosi na potvrdu „Oxint“ d.o.o. Tuzla, ponuđač „TERMOTEHNIKA“ d.d. Tuzla navodi da se predmetna potvrda odnosi na izvođenje radova nabavke i ugradnje materijala (cijevi, priključci, ventili i dr.), geodetskog iskolčavanja trase, fekalne kanalizacije, sanitarne i hidrantske mreže. Ponuđač u svom pojašnjenju također navodi da svi izvršeni radovi, predstavljeni gore navedenim potvrdama, predstavljaju komponente koje zajedno čine osnovu vodovodnih instalacija i dio šireg koncepta vodovodnih instalacija, jer se bave različitim aspektima upravljanja vodom u građevinskim i infrastrukturnim projektima, te da je apsolutno nejasno da iz dostavljenih potvrda nije primjetan karakter, kompleksnost i priroda poslova.

U toku ponovnog postupka (za LOT1, LOT3 i LOT4) Komisija za nabavke konstatovala je sljedeće:

- da je ukupan broj pristiglih ponuda 2 (dva) (za LOT1, LOT3 i LOT4);
- da su blagovremeno zaprimljene 2 (dvije) ponude (za LOT1, LOT3 i LOT4);
- da nije bilo neblagovremenih ponuda (za LOT1, LOT3 i LOT4);

- da je 1 (jedna) ponuda neprihvatljiva (za LOT3 i LOT4) i nepravilna (za LOT1, LOT3 i LOT4);
- da je 1 (jedna) ponuda prihvatljiva (za LOT1, LOT3 i LOT4).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača izvršen u skladu sa Zakonom o javnim nabavkama BiH, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da su navedeni ponuđači dostavili prihvatljive ponude sa najvećim brojem osvojenih bodova, prema kriteriju za dodjelu bodova, za pripadajuće LOT-ove.

Detaljno obrazloženje razloga za izbor najpovoljnijih ponuđača, za pripadajuće LOT-ove, navedeno je u Zapisniku o pregledu i ocjeni ponuda koji se dostavlja uz ovu Odluku svim ponuđačima koji su učestvovali u postupku nabavke.

Obzirom na sve prethodno navedeno, odlučeno je kao u članu 1. ove Odluke.

POUKA O PRAVNOM LIJEKU

Protiv ove odluke može se izjaviti žalba u roku od 10 (deset) dana od dana prijema ove odluke, Uredu za razmatranje žalbi putem ugovornog organa.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-006125-2025
Datum, 22.09.2025.godine



Pomoćnik gradonačelnika za Službu za komunalne poslove, izgradnju i poslove mjesnih zajednica

Dr.sci Miralem Mulać, dipl.ing.geol.

Handwritten signature